

باعشق موتي

جوه في عاطفة روعي الصافيه

مستنيه اللسه الدافيه

ع القلب المقفول بجراحه

و ماشي ف قلب الحيط بالعافيه

كاتم رغبة نفسه ما نعها

و نفسه بتتحدي ف أوجاعها

تحكي حكاوي الليل الأسي

بعد الليل ما تجنى و باعها

و مهما تعيش ف جراحك خبي

خلي عتابك جوه اعتابك

لملم وجعي و داري ف حبي

لما بيقطع حبل سكوتي

أرجع أعافر

و احبس صوتي

علشان ما انطقشي بكلمة تخونني

و ارجع ثاني و اعشق موتي

عايزة أنهي حكاية حبي

قبل ما يبدأ حبي أساسا

يعني ح اقلوله و اللا اخبي

و اللا اهتف له بحبي حماسا